

# ხელშეკრულება სახელმწიფო შესყიდვის შესახებ N553

## გამარტივებული შესყიდვა

საქართველოს კანონის სახელმწიფო შესყიდვების შესახებ, მე-10/1 მუხლის 3 პუნქტის "დ" ქვეპუნქტისა და საქართველოს მთავრობის 2022 წლის 5 აპრილის N603 განკარგულების საფუძველზე დაფინანსების წყარო 2022 წლის სახელმწიფო ბიუჯეტი

ქ. თბილისი

1 ივნისი 2022 წ.

სსიპ-საქართველოს ტურიზმის ეროვნული ადმინისტრაცია (მისამართი: ქ. თბილისი, სანაპიროს ქ #4, ტელ: 2436999, საბანკო რეკვიზიტები: ანგ. #GE24NB0330100200165022 სახელმწიფო ხაზინა, კოდი TRESGE22, სკ-204578206), შემდგომში წოდებული „შემსყიდველად“, წარმოდგენილი მისი ხელმძღვანელის მოვალეობის შემსრულებლის მედია ჯანიაშვილის სახით და შპს „სასტუმრო ივერია ინ“ (იურ/მის: თბილისი, ისანი-სამგორის რაიონი, პეტრე ხვედელიძის ქ. N 6 ; საბანკო რეკვიზიტები: სს „თბილისი ბანკი“ ბ.კ. TBCBGE22 ა.ა. GE38TB7142836020100001GEL; ს/კ 406043482) წარმოდგენილი მისი დირექტორის ზურაბ იმნაიშვილის სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

### 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურების გაწევას ამ ხელშეკრულების ფარგლებში.
- 1.6. „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

### 2. ხელშეკრულების საგანი

#### სასტუმრო მომსახურება

(უკრაინის მოქალაქეების სასტუმროში განთავსების მიზნით)

(CPV 55110000)

### 3. ხელშეკრულების ღირებულება

- 3.1 ხელშეკრულების ღირებულება შეადგენს: **97 500.00** (ოთხმოცდაჩვიდმეტი ათას ხუთასი ლარი და 00 თეთრი) **ლარს**;
- 3.2 ხელშეკრულების ღირებულება მოიცავს, როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3 წინამდებარე ხელშეკრულების პირობებს, მათ შორის ფასის შეცვლა დაუშვებელი, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 3.4 მომსახურების გაწევის ვადა: **2022 წლის 1 ივნისიდან 2022 წლის 30 ივნისის ჩათვლით.**
- 3.5 მომსახურების გაწევის ადგილია: **ქ. თბილისი პ.ხვედელიძის ქ. N 6. სასტუმრო „ივერია ინ“**

### 4. მხარეთა ვალდებულებები

#### 4.1 მიმწოდებელი ვალდებულია:

- ა) უზრუნველყოს წინამდებარე ხელშეკრულებით გათვალისწინებული მომსახურების გაწევა დანართი N1-ის შესაბამისად.
- ბ) მიმწოდებელმა უნდა გამოყოს სასტუმროში არსებული ნომრები პროექტის ფარგლებში
- გ) მიმწოდებელს უნდა გააჩნდეს გათბობის და კონდინციონირების სისტემა
- დ) უზრუნველყოს სტუმრები სამჯერადი კვების მომსახურებით (საუზმე, სადილი, ვახშამი (buffet)).
- ე) უზრუნველყოს თეთრეულის მიწოდება სასტუმროში განთავსებული პირებისთვის ყოველ მესამე დღეს. სასტუმროში განთავსებულ პირებს მიაწოდოს ჰიგიენური თავის მოვლის საშუალებები: ტუალეტის ქაღალდი, საპონი, შამპუნი, დასაბანი გელი, კბილის პასტა, კბილის ჯაგრისი. ასევე მიმწოდებელმა უნდა უზრუნველყოს ზემოთხსენებული ნივთების საჭიროებისამებრ განახლება მარაგის ამოწურვის შემთხვევაში.
- ვ) უზრუნველყოს ყოველ დღე სასტუმროს ოთახებისა და მიმდებარე ტერიტორიის დალაგება (ნაგვის გატანა).
- ზ) ყველა არსებულ ნომერს უნდა გააჩნდეს საკომუნიკაციო მოწყობილობა (ტელეფონი) .
- თ) მიმწოდებელს არ აქვს უფლება ადმინისტრაციის თანხმობის გარეშე გაუწიოს სტუმარს მომსახურება, წინააღმდეგ შემთხვევაში არ ანაზღაურდება.

ი) არ დაუშვას, ხელშეკრულების დადებამდე და მისი დადების შემდგომ ადმინისტრაციის წინასწარი თანხმობის გარეშე, სოციალური ან სხვა მედიის საშუალებით ინფორმაციის გავრცელება ხელშეკრულების პირობების შესახებ.

კ) უზრუნველყოს სასტუმროში განთავსების მიზნით განსაზღვრულ პირთა პერსონალურ მონაცემთა დაცვა. არ მოახდინოს მესამე პირთათვის აღნიშნული ინფორმაციის გადაცემა და არამიზნობრივად მათი გამოყენება, აგრეთვე სასტუმრო ვალდებულია დაიცვას პერსონალურ მონაცემთა დაცვის შესახებ საქართველოს კანონმდებლობით გათვალისწინებული ყველა აუცილებელი პირობა.

ლ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზების გამოსწორება;

მ) განახორციელოს ამ ხელშეკრულებით მასზე დაკისრებული სხვა ვალდებულებები.

#### **4.2 შემსყიდველი ვალდებულია:**

ა) უზრუნველყოს გაწეული მომსახურების ინსპექტირება და დადებითი შეფასების შემთხვევაში მისი მიღება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

### **5 ხარისხი**

ხელშეკრულებით გათვალისწინებული მომსახურების ხარისხი უნდა შეესაბამებოდეს შემსყიდველის მოთხოვნებს.

### **6 ხელშეკრულების შესრულების კონტროლი**

6.1 შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში, შემსყიდველის მოთხოვნათა შესაბამისად.

**6.2 ინსპექტირებას განახორციელებს: სსიპ საქართველოს ტურიზმის ეროვნული ადმინისტრაციის, ადმინისტრაციული სამმართველოს სამეურნეო და სახელმწიფო შესყიდვების განყოფილების შესყიდვების კოორდინატორი ფერიდე მაკარიძე ან მისი მოვალეობის შემსრულებელი.**

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება ხარვეზიანი მომსახურება, მიმწოდებელი ვალდებულია წერილობით დადგენილ ვადებში გამოასწოროს ხარვეზი ან თუ ხარვეზის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, დაუბრუნოს შემსყიდველს აღნიშნული მომსახურების ღირებულება.

6.4 თუ ამ მუხლის 6.3. პუნქტით გათვალისწინებული ხარვეზის გასწორების ვადა სცილდება ხელშეკრულების მოქმედების ვადას, მიმწოდებლის მიერ ხარვეზის გამოსწორება, ხოლო ხარვეზის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

### **7 მომსახურების მიღება-ჩაბარების წესი**

7.1 მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელისმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

**7.2 მომსახურების მიღებას აწარმოებს: სსიპ საქართველოს ტურიზმის ეროვნული ადმინისტრაციის, ადმინისტრაციული სამმართველოს სამეურნეო და სახელმწიფო შესყიდვების განყოფილების შესყიდვების კოორდინატორი ფერიდე მაკარიძე ან მისი მოვალეობის შემსრულებელი.**

### **8 ანგარიშსწორება**

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება ეტაპობრივად, ორ კვირაში ერთხელ, ინვოისის წარმოდგენის, მიღება-ჩაბარების აქტების გაფორმებიდან და საგადასახადო ანგარიშ-ფაქტურების (დღგ-ს გადამხდელის შემთხვევაში) წარმოდგენიდან 10 (ათი) სამუშაო დღის განმავლობაში. თუ კი ანგარიშსწორების განხორციელების ვადის ბოლო დღე ემთხვევა არა სამუშაო დღეს, ანგარიშსწორება განხორციელდება მომდევნო სამუშაო დღეს.

8.3 მხარეები თანხმდებიან, რომ სასტუმრო მომსახურების და კვების თანხის ანაზღაურება მოხდება ფაქტიურად გაწეული მომსახურების შესაბამისად.

### **9 ხელშეკრულების შესრულების შეფერხება**

9.1 თუ ხელშეკრულების შესრულების პროცესში მხარეები წააწყდებიან რაიმე ხელის შემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

### **10 ხელშეკრულების პირობების შეუსრულებლობა**

10.1 წინამდებარე ხელშეკრულების პირობების შეუსრულებლობისათვის მიმწოდებელს ეკისრება პირგასამტეხლო ხელშეკრულების საერთო ღირებულების 5% ოდენობით.

10.2 წინამდებარე ხელშეკრულების 6.3. პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო შესაბამის ყოველ ვადაგადაცილებულ დღეზე ხელშეკრულების ღირებულების 0.07%-ის ოდენობით.

10.3 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

### **11 ხელშეკრულებაში ცვლილებების შეტანა**

11.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

### **12 დავების გადაწყვეტა**

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

### **13 ხელშეკრულების შეწყვეტა**

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს შემსყიდველის წერილობითი შეტყობინების საფუძველზე.

### **14 ხელშეკრულების მოქმედების ვადა**

14.1 წინამდებარე ხელშეკრულება ძალაში შედის ხელშეკრულების თავში მითითებული თარიღიდან, **მოქმედებს 2022 წლის 31 დეკემბრის ჩათვლით.**

### **15 ფორს-მაჟორი**

15.1 წინამდებარე ხელშეკრულების დამდები, რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, მომსახურების გაწევაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

### **16 სხვა პირობები**

16.1. შემსყიდველი უფლებამოსილია საჭიროებისამებრ შეცვალოს/შეწყვიტოს მომსახურების გაწევის ვადა.

16.2. ხელშეკრულება შედგენილია თანაბარი იურიდიული ძალის მქონე ელექტრონული დოკუმენტის სახით ქართულ ენაზე, როგორც შემსყიდველისათვის, ასევე მიმწოდებლისთვის.

**შემსყიდველი**

სსიპ-საქართველოს ტურიზმის ეროვნული  
ადმინისტრაცია  
მისამართი: ქ. თბილისი, სანაპიროს ქ #4  
ტელეფონი: 2 436999  
საბანკო რეკვიზიტები: ა/ნ GE24NB0330100200165022  
სახელმწიფო ხაზინა, კოდი TRESGE22  
ს/კ - 204578206

ხელმძღვანელის მოვალეობის შემსრულებელი

მედეა ჯანიაშვილი

**მიმწოდებელი**

შპს "სასტუმრო ივერია ინ"  
მისამართი: თბილისი, ისანი-სამგორის რაიონი,  
პეტრე ხვედელიძის ქ. N 6  
ტელეფონი: 577 054327  
საბანკო რეკვიზიტები: სს „თიბისი ბანკი“  
ბ.კ. TBCBGE22 ა.ა. GE38TB7142836020100001;  
ს/კ 406043482

დირექტორი

ზურაბ იმნაიშვილი

№	ოთახების რაოდენობა	ოთახის ღირებულება (დღიური)	1 პერსონის სამჯერადი კვების ღირებულება (დღიური)
1	60	80.00 ლარი	35.00 ლარი. მათ შორის: <ul style="list-style-type: none"> <li>• საუზმე 10.00 ლარი</li> <li>• სადილი 13.00 ლარი</li> <li>• ვახშამი 12.00 ლარი</li> </ul>

**შემსყიდველი**

სსიპ-საქართველოს ტურიზმის ეროვნული  
 ადმინისტრაცია  
 მისამართი: ქ. თბილისი, სანაპიროს ქ #4  
 ტელეფონი: 2 436999  
 საბანკო რეკვიზიტები: ა/ნGE24NB0330100200165022  
 სახელმწიფო ხაზინა, კოდი TRESGE22  
 ს/კ - 204578206

ხელმძღვანელის მოვალეობის შემსრულებელი

მედეა ჯანიაშვილი

**მიმწოდებელი**

შპს "სასტუმრო ივერია ინ"  
 მისამართი: იურ/მის: თბილისი, ისანი-  
 სამგორის რაიონი, პეტრე ხვედელიძის ქ. N 6  
 ტელეფონი: 577054327  
 საბანკო რეკვიზიტები: სს „თიბისი ბანკი“  
 ბ.კ. TBCBGE22 ა.ა. GE38TB7142836020100001;  
 ს/კ 406043482

დირექტორი

ზურაბ იმნაიშვილი

## ხელწერილი ინტერესთა კონფლიქტის არარსებობის შესახებ

ვადასტურებთ, რომ „სახელმწიფო შესყიდვის შესახებ“ საქართველოს კანონის მე-8 მუხლის თანახმად სსიპ-საქართველოს ტურიზმის ეროვნული ადმინისტრაციის მიერ სასტუმრო მომსახურების შესყიდვის მიზნით დადებულ **2022 წლის 1 ივნისის N553** ხელშეკრულებაში მითითებულ მიმწოდებელთან ინტერესთა კონფლიქტში არ ვიმყოფებით.

ხელმძღვანელის მოვალეობის შემსრულებელი

მედეა ჯანიაშვილი

ინსპექტორების და მიღება-ჩაბარების  
განმახორციელებელი პირი

ფერიდე მაკარიძე